

古文辭類纂

辭賦類五

古文辭類纂六十六

司馬長卿子虛賦

楚使子虛使於齊王悉發車騎與使者出畋畋罷子虛過姁烏有先生亡是公存焉坐定烏有先生問曰今日畋樂乎子虛曰樂獲多乎曰少然則何樂對曰僕樂齊王之欲夸僕以車騎之衆而僕對以雲夢之事也曰可得聞乎子虛曰可王車駕千乘選徒萬騎畋於海濱列卒滿澤宋網彌山掩兔麟鹿射麋脚麟鶩於鹽浦割鮮染輪射中獲多矜而自功顧謂僕曰楚亦有平原廣澤游獵之地饒樂若此者乎楚王之獵孰與寡人乎僕下車對曰臣楚國之鄙人也幸得宿衛十有餘年時從出遊遊於後園覽於有無然猶未能徧覩也又焉足以言其外澤乎齊王曰雖然畧以子之所聞見而言之僕對曰唯唯臣聞楚有七澤嘗見其一未覩其餘也臣之所見蓋特其小小者耳名曰雲夢雲夢者方九百里其中有山焉其山則盤紆窮鬱隆崇澤岑岑參差日月蔽虧交錯糾紛上千青雲罷池陂陀下屬江河其土則丹青赭堊雌黃白垩錫碧金銀衆色炫耀昭爛龍麟其石則赤玉玫瑰琳琅昆吾城功元厲礪石碣砢其東則有蕙圃薜蘭茝若芎藭菖蒲泣離蘼蕪諸拓巴苴其南則有平原廣澤登降陟躋案衍壇曼緣以大江限以巫山其高燥則生玃薪苞荔薜莎青蘋其埤涇則生藏蓀兼葭東牆彫胡蓮藕菰蘆

巷闔軒於眾物居之不可勝圖其西則有涌泉清池激水推移外發芙蓉菱華內隱鉅石白沙其中則有神龜蛟鼉瑇瑁鼈鼉其北則有陰林巨樹榎栲豫章桂椒木蘭檠離朱楊楸梨棗橘柚芬芳其上則有有鵠雛孔鸞騰遠射于其下則有白虎元豹螭蛇龜玃玃於是乎乃使專諸之倫手格此獸楚王乃駕馴駁之馴乘雕玉之輿蹕魚鬚之橈旃曳明月之珠旗建干將之雄戟左烏號之彫弓右夏服之勁箭陽子驂乘纖阿爲御案節未舒即陵狡獸蹴蛩蛩躡虛軼野馬轉駒駘乘遺風射游騏綽倏情閑雷動森至星流霆擊弓不虛發中必決背洞曾達掖絕乎心繫獲若雨獸揜草蔽地於是楚王乃弭節徘徊翱翔容與覽乎陰林此即北觀壯士之暴怒與猛獸之恐懼傲執受訓殫之陰林觀衆物之變態於是鄭女曼姬被阿緗揄紵縞雜織羅垂霧縠褰褊寒縹紆徐委曲鬱繞谿谷紛紛徘徊揚葩曳削蜚織垂髻扶輿猗靡翁叩莘蔡下蹕蘭蕙上拂羽蓋錯翡翠之葳蕤繇繇繞玉綏眇眇忽忽若神仙之髣髴於是乃相與獠於蕙圃此即東嬰嫺勃之蕙圃率上乎金堤揜翡翠射鵠鷁微矚出嫺繳施弋白鵠連駕鵠雙鷁下元鷁加怠而後發游於清池此即西之涌泉清池浮文鷁揚旌拽張翠帷建羽蓋罔瑇瑁鉤紫貝縱金鼓吹鳴籟榜人歌聲流喝水蟲駭波鴻沸涌泉起奔物會礪石相擊硠硠礚礚若雷霆之聲聞乎數百里之外將息獠者擊靈鼓起烽燧車按行騎就隊纒乎淫淫般乎裔裔於是楚王乃

登雲陽之臺

雲陽在巫山下此卽至其南也

怕乎無爲憺乎自持勺藥之和具而後御之不若大王終

日馳騁曾不下輿將割輪燔自以爲娛臣竊觀之齊殆不如於是齊王無以應僕也烏有先王曰是何言之過也足下不遠千里來貺齊國王悉發境內之士備車騎之衆與使者出畋乃欲戮力致獲以娛左右何名爲夸哉聞楚地之有無者願聞大國之風烈先生之餘論也今足下不稱楚王之德厚而盛推雲夢以爲高奢言淫樂而顯侈靡竊爲足下不取也必若所言固非楚國之美也無而言之是害足下之信也彰君惡傷私義二者無一可而先生行之必且輕於齊而累於楚矣且齊東階鉅海南有琅邪觀乎成山射乎之罘浮渤澥游孟諸邪與肅慎爲鄰右以湯谷爲界秋田乎青邱彷徨乎海外吞若雲夢者八九於其胸中曾不帶芥若乃傲儻瑰瑋異方殊類珍怪鳥獸萬端麟岬充牣其中不可勝記禹不能名高不能計然在諸侯之位不敢言游戲之樂苑囿之大先生又見客是以王辭不復何爲無以應哉

司馬長卿上林賦

亡是公所然而笑曰楚則失矣而齊亦未爲得也夫使諸侯納貢者非爲財幣所以述職也封疆畫界者非爲守禦所以禁淫也今齊列爲東藩而外私肅慎捐國踰限越海而田其於義固未可也且一君之論不稕明君臣之義正諸侯之禮徒事爭游戲之樂

苑囿之大欲所奢侈相勝荒淫相越此不可以揚名發譽而適足以弔君自損也且夫
齊楚之事又烏足道乎君末聞夫巨麗也獨不聞天子之上林乎左蒼梧右西極丹水
更其南紫淵徑其北終始雪崖出入涇渭鄠鎬潏潏紆餘委蛇經營乎其內蕩蕩乎八
州分流相背而異態東西南北馳驚往來出乎椒邱之闕行乎洲淤之浦經乎桂林之
中過乎決漭之埜汨乎混流順阿而下赴隘陋之口觸穹石激堆埼沸乎暴怒洄涌彭
湃淢弗宓汨偪側泌瀦橫流逆折轉騰激洌滂濞沆漑穹隆雲燒宛潭膠盭踰波趨沱
湔湔下瀨批巖衝擁奔揚滯沛臨坻注壑澦潏霄墜沈沈隱隱砰磅訇蓋潏潏淢淢淢淢
渠鼎沸馳波跳沫汨湔漂疾悠遠長懷寂寥無肆乎永歸然後灝洋潢漾安翔徐回潏
乎滈滈東注太湖衍溢陂池於是乎蛟龍赤螭鰐鰐漸離鱗鱓魴禺魼魴捷鱗掉
尾振鱗奮翼潛處乎深巖魚鼈譁聲萬物衆夥明月珠子的皪江靡蜀石黃磳水玉磊
砢磷磷爛爛采色滈汗藂積乎其中鴻鵠鵠鵠鵠鵠屬玉交精旋目煩鶩庸渠箴疵鵠
盧羣浮乎其上汎汎濫隨風澹淡與波搖蕩奄薄水渚唼喋菁藻咀嚼菱藕於是乎
崇山矗矗巖嵒崔巍深林巨木斬嚴參嵯九嶷巖巖南山峨峨嚴陀巖綺摧峩岫崎振
溪通谷蹇產溝瀆谿呀豁閑阜陵別隄葭磧嶢嶢邱虛堀壘隱轡鬱嶠登降施靡陟池
獬豸沈溶淫鬱散渙夷陸亭臯于里靡不被築揜以綠蕙被以江蘼糝以薺蕪雜以留

夷布結縷攢戾莎揭車衡蘭橐本射干茈薑蠶荷歲橙若蓀鮮支黃礪蔣苙青蘋布護
閼澤延曼太原離靡廣衍應風披靡吐芳楊烈郁郁菲菲衆香發越胥蠻布寫晻變必
弗於是乎周覽泛觀繽紛軋芴芴芒恍忽視之無端察之無崖日出東沼入乎西陂其
南則隆冬生長涌水躍波其獸則獐旄獐羆沈牛麀麀赤首園題窮奇象犀其北則盛
夏含凍裂地涉冰揭河其獸則麒麟角端駒駝橐駝蛩蛩驪駃騠驢羸於是乎離宮
別館彌山跨谷高廊四注重坐曲閣華棖壁璫輦道纒屬步櫚周流長途中宿夷囷築
堂累臺增成巖窈洞房頰杳眇而無見仰北櫟而捫天奎星更於閨闈宛虹拖於楯軒
青龍蚴蟉於東廂象輿婉僊於西清靈園燕於問館偃佺之倫暴於南榮醴泉涌於清
室通川過於中庭盤石振崖嶽巖倚傾嵯峨嶮嶮刻削崢嶸玫瑰碧琳珊瑚叢生瑤玉
旁唐玲幽文鱗赤瑕駁犖雜畝其間鼂采琬琰和氏出焉於是乎廬橘夏熟黃甘橙棣
枇杷檮柿亭奈厚朴櫻棗楊梅櫻桃蒲陶隱夫蓴棣荅蘆離支羅乎後宮列乎北園馳
邱陵下平原楊翠葉枕紫莖發紅華垂朱榮煌煌扈扈照曜鉅野沙棠櫟楮華楓枰欂
留落胥邪仁蘋并閼欂檀木蘭豫章女貞長千仞大連抱夸條直暢實葉葎楸攢立叢
倚連卷欂櫨崔錯發飢抗衡間矧垂條扶疏落英幡纒紛浴節蓼猗猗從風瀏瀏𦵏𦵏
蓋象金石之聲管籥之音傑池葩蹕旋還乎後宮雜襲纂輯被山緣谷循坂下隰視之

無端究之無窮於是乎元媛素雌雌獵飛蠅蝓蠅蠅獠獠胡穀蛇棲息乎其間長嘯哀
鳴翩幡互經天矯枝格偃蹇杪顛踰絕梁騰殊榛捷垂條掉希間牢落陸離爛熳遠遷
若此者數百千處娛遊往來宮宿館舍庖厨不徙後宮不移百官備具於是乎背秋涉
冬天子校獵藥鏤象六玉蚪拖霓旌靡雲旗前皮軒後道游孫叔奉轡衛公驂乘扈從
橫行出乎四校之中鼓嚴簿縱獵者江河爲陸泰山爲櫓車騎雷起殷天地動先後陸
離離散別追淫淫裔裔綠林流澤雲布雨施生貔豹搏豺狼手熊羆足豭羊蒙鷁繇繇
白虎鼎按續書與服志云武冠環纓無髯以青系爲緹加雙鷁尾五官左右虎賁羽林
中郎將羽林左右監皆冠鷁冠虎賁將虎文綺裏邑歲獻織成虎文此乃所云蒙
鷁蘇綰白虎也孟康注鷁鳥尾也蘇析羽也蓋得之而善被班文跨墜馬凌三嶮之危
注謬甚郭景純以綺爲綈亦失之

下磧歷之坻徑峻赴險越壑厲水推蜚廉弄獬豸多格蝦蛤鋌猛氏縞腰褭射封豕箭不
苟害解脰陷胸弓不虛發應聲而倒於是乎乘輿弭節褰裳朝翔往來睨部曲之進退
覽將帥之變態然後侵淫促節儻躑遠去流離輕禽蹴履狡獸轉白鹿撻狡兔軼赤電
遺光耀追怪物出宇宙彎蕃弱滿白羽射游梟櫟蜚遽擇肉而後發先中而命處弦矢
分藝壹仆然後揚節而上浮凌驚風歷駭衆乘虛無與神俱躡元鶴亂昆雞逾孔鸞促
鷁鷁拂翳鳥捎鳳皇捷鵠鷁揜焦明道盡塗殫迴車而還招搖乎懷佯降集乎北紘率
乎直指睭乎反鄉麾石闕歷封轡過鵠鵠望露寒下棠梨息宜春西馳宣曲權鷁牛首

登龍臺掩細柳觀士大夫之勤畧均蠲者之所得獲徒車之所輶轢步騎之所蹂若人臣之所蹈藉與其窮極倦虺驚憚覆伏不被劊刃怖而死者他他藉藉填阡滿谷掩平彌澤於是乎游戲解怠置酒乎顙天之臺張樂乎膠葛之窟撞千石之鐘立萬石之虞建翠華之旗樹靈鼉之鼓奏陶唐氏之舞聽葛天氏之歌千人唱萬人和山陵爲之震動川谷爲之蕩波巴淪宋蔡淮南干遮文成顛歌族居遞奏金鼓迭起鏗鎗闐闐洞心駭耳荆吳鄭衛之聲韶濩武象之樂陰淫案衍之音鄢郢繽紛激楚結風俳優侏儒狄鞮之倡所以娛耳樂心意者麗靡爛熳於前靡曼美色若夫青琴宓妃之徒絕殊離俗妖冶嫺都靚粧刻飾便嬛綽約柔橈嫋嫋媚媚纖弱曳獨繭之綸綖眇閭易以卹削便姍姍屑與俗殊服芳芬徧鬱酷烈淑郁皓齒粲爛宜笑的皦長眉連娟微睇絲藐色授魂與心愉於側於是酒中樂酣天子芒然而思似若有亡曰嗟乎此大奢侈朕以覽聽餘間無事棄日順天道以殺伐時休息於此恐後葉靡麗遂往而不返非所以爲繼嗣創業垂統也於是乎乃解酒罷獵而命有司曰地可墾闢悉爲農郊以贍萌隸隲牆填塹使山澤之人得至焉實陂池而勿禁虛宮館而勿物發倉廩以救貧窮補不足恤鰥寡存孤獨出德號省刑罰改制度易服色革正朔與天下爲更始於是歷吉日以齋戒襲朝服乘法駕建華旗鳴玉鸞游乎六藝之圃馳騫乎仁義之塗覽觀春秋之林射獵

首兼騶虞弋元鶴舞千戚載雲罕掩羣雅悲伐檀樂樂肯修容乎禮園翱翔乎書圃述
易道放怪獸登明堂坐清廟次羣臣奏得失四海之內靡不受獲於斯之時天下大悅
鄉風而聽隨流而化翕然興道而遷義刑錯而不用德隆於三王而功羨於五帝若此
故猶乃可喜也若夫終日馳騁勞神苦形罷車馬之用抗士卒之精費府庫之財而無
德厚之恩務在獨樂不顧衆庶忘國家之政貪雉兔之獲則仁者不由也從此觀之齊
楚之事豈不哀哉地方不過千里而囿居九百是草木不得墾闢而民無所食也夫以
諸侯之細而樂萬衆之所侈僕恐百姓被其尤也於是二子愀然改容超若自失逡巡
避席曰鄙人固陋不知忌諱乃今日見教謹受命矣

辭賦類六

古文辭類纂六十七

司馬長卿哀二世賦

登陂池之長坂兮，登入曾宮之嵯峨。臨曲江之隋州兮，望南山之參差。巖巖深山之澥澥兮，通谷豁兮。澹澹泊滅，喻習以永逝兮。注平臯之廣衍，觀衆樹之塢蔕兮。覽竹林之榛榛，東馳土山兮。北揭石瀾，彌節容與兮。歷弔二世，持身不謹兮。亡國失執，信讒不寤兮。宗廟滅絕，嗚呼哀哉！操行之不得兮，墳墓蕪穢而不修兮。魂無歸而不食，夏邈絕而不齊兮。彌久遠而愈沫，精罔聞而飛揚兮。拾九天而永逝，嗚呼哀哉！

司馬長卿大人賦

世有大人兮，在於中州。宅彌萬里兮，曾不足以少留。悲世俗之迫隘兮，揭輕舉而遠游。垂絳幡之素蜺兮，載雲氣而上浮。建格澤之長竿兮，繚光耀之采旄。垂旬始以爲幃兮，棼彗星而爲髻。掉指橋以偃蹇兮，又旖旎以招搖。攬攬櫓以爲旌兮，靡屈虹而爲綢。紅沓渺以眩潛兮，森風涌而雪浮。駕應龍象輿之螭，畧透麗兮。騶赤螭青蚪之螭，蟠蛇蟺低昂天矯。据以驕驚兮，詘折降窮。螭以連卷沛艾，赴蜺以怡儼兮。放散畔岸，驥以屏顙。踰躡輻輳，容以委麗兮。綢繆偃蹇，休翼以梁倚。糾蓼叶莽，踣以纓路兮。蔑蒙踣躍，騰而狂。趙菴颯卉，翕燿至電過兮。煥然霧除，霍然雲消。邪絕少陽而登太陰兮，與真人乎。

相求互折窈窕以右轉兮構厲飛泉以正東悉徵靈輿而選之兮部乘衆神於瑤光使
五帝先導兮反太一而從陵陽左元冥而右含靈兮前陸離而後瀟湘旃旌伯僑而役
漢門兮屬岐伯使尙方祝融警而蹕御兮清氣氛而後行屯余車其萬乘兮絳雲蓋而
樹華旗使句芒其將行兮吾欲選乎南嬉歷唐堯於崇山兮過虞舜於九疑紛湛湛其
參錯兮雜還膠葛以方馳騷擾衝菴其相紛拏兮滂濞決軋灑以林離鑽羅列聚叢以
龍茸兮衍曼流爛壇以陸離徑入雷室之杳鬱鬱律兮洞出鬼谷之崑崙崑崙徧覽八
紘而觀四荒兮竭度九江而越五河經營炎火而浮弱水兮抗絕浮渚而涉流沙奄息
總極汜濫水嬉兮使靈媧鼓瑟而舞馮夷時若夢夢將混濁兮召屏翳誅風伯而刑雨
師西望崑崙之軋淦洗忽兮直徑馳乎三危排閭闔而入帝宮兮載玉女而與之歸舒
閭風而搖集兮亢烏騰而一止低回陰山翔以紆曲兮吾乃今日睹西王母嚬然白首
戴勝而穴處兮亦幸有三足鳥爲之使必長生若此而不死兮雖濟萬世不足以喜回
車竭來兮絕道不同會食幽都呼吸沆瀣兮殫朝霞噍咀芝英兮噉瓊華嬋侵潯而高
蹤兮紛鴻涌而上厲貫列缺之到景兮涉豐隆之滂沛馳游道而修降兮驚遺霧而遠
逝追區中之隘狹兮舒節出乎北垠遺屯騎於元闕兮軼先驅於寒門下崢嶸而無地
兮上寥廓而無天視眩眠而無見兮聽恫恍而無聞乘虛無而上假兮超無友而獨存

竊按此賦多取於遠遊遠遊先訪求中國仙人之居乃上至天帝之宮又下周覽天地之間自於微闥以下分東西南北四段此賦自橫厲飛泉以正東以下分東西南北四段而求仙人之居意即歲其間未六句與遠遊語同然屈子意在遠去世之沉濁故云至清而與太初爲隣長卿則謂帝若果能爲仙人即居此無聞無見無友之地亦胡歎乎此邪與屈子語同而意別矣

司馬長卿長門賦

孝武皇帝陳皇后時得幸頗妒別在長門官愁悶悲思聞蜀郡成都司馬相如天下工爲文奉黃金百斤爲相如文君取酒因于解悲愁之辭而相如爲文以悟主上皇后復得親幸其辭曰

夫何一佳人兮步逍遙以自虞魂踰佚而不返兮形枯槁而獨居言我量淺而莫來兮飲食樂而忘人心慊移而不省故兮交得意而相親伊予志之慢愚兮懷貞慙之歡心願賜問而自進兮得尙君之玉音奉虛言而望誠兮期城南之離宮修薄具而自設兮君曾不肯兮幸臨廓獨潛而專精兮天飄飄而疾風登蘭臺而遙望兮神悅悅而外淫浮雲鬱而四塞兮天竊竊而晝陰雷隱隱而響起兮聲象君之車音飄風迴而赴闥兮舉帷幄之襜褕桂樹交而相紛兮芳酷烈之閭闔孔雀集而相存兮元猿嘯而長吟翡翠脅翼而來萃兮鸞鳳飛而北南心憑噫而不舒兮邪氣壯而攻中下蘭臺而周覽兮步從容於深宮正殿塊以造天兮鬱並起而穹崇間徙倚於東廂兮觀夫靡靡而無窮

擠玉瓦以撼金鋪兮聲噌吰而似鐘音刻木蘭以爲懷兮飾文杏以爲梁羅丰茸之游
樹兮離櫟梧而相撐施瑰木之構櫨兮委參差以棟梁時髣髴以物類兮象積石之將
將五色炫以相曜兮爛耀耀而成光綬錯石之領髴兮象璚瑁之文章張羅綺之帷幔
兮垂楚組之連綱撫柱楣以從容兮覽曲臺之央央白鶴噉以哀號兮孤雌踣於枯楊
日黃昏而望絕兮悵獨託於空堂懸明月以自照兮徂清夜於洞房援雅琴以變調兮
奏愁思之不可長按流徵以却轉兮聲幼妙而復揚貫歷覽其中操兮意慷慨而自叩
左右悲而垂淚兮涕流離而縱橫舒息悵而增欷兮蹠履起而彷徨揄長袂以自翳兮
數昔日之讐殃無面目之可顯兮遂頽思而就床搏芬若以爲枕兮席荃蘭而蕙香忍
寢寐而夢想兮魂若君之在旁惕寤覺而無見兮魂廷廷若有亡衆雞鳴而愁予兮起
視月之精光觀衆星之行列兮畢昂出於東方望中庭之藹藹兮若季秋之降霜夜曼
曼其若歲兮懷鬱鬱其不可再再澹偃蹇而待曙兮荒亭亭而復明妾人竊自悲兮究
年歲而不敢忘

司馬長卿難蜀父老

漢興七十有八載德茂存乎六世威武紛紜湛恩汪濊羣生霑濡洋溢乎方外於是乃
命使西征隨流而攘風之所被罔不披靡因朝再從驪定筌存叩畧斯榆舉苞蒲結軌

遷轅東鄉將報至於蜀都耆老大夫薦神先生之徒二十有八人儼然造焉辭畢因進
曰蓋聞天子之牧夷狄也其義羈縻勿絕而已今罷三郡之士通夜郎之塗三年於茲
而功不竟士卒勞倦萬民不瞻今又接以西夷百姓力屈恐不能卒業此亦使者之累
也竊爲左右患之且叩夫祚西夷之與中國並也歷年茲多不可記已仁者不以德來
殫者不以力并意者其殆不可乎今割齊民以附夷狄弊所恃以事無用鄙人固陋不
識所謂使者曰烏謂此耶必若所云則是蜀不變服而已不化俗也余尙惡聞若說然
斯事體大固非觀者之所觀也余之行急其詳不可得聞也請爲大夫寵陳其畧蓋世
必有非常之人然後有非常之事有非常之事故夫非常者固常人之
所異也故曰非常之原黎民懼焉及臻厥成天下晏如是也昔者鴻水渤出汎濫衍溢
民人登降移徙崎嶇而不安夏后氏戚之乃堙鴻水決江疏河漉沉澹留東歸之於海
而天下永寧當斯之勤豈惟民哉心煩於慮而身親其勞躬膝胝無胼膚不生毛故休
烈顯乎無窮聲稱浹乎來茲且夫賢君之踐位也豈特委瑣握躡拘文牽俗循誦習傳
當世取說云爾哉必將崇論閎議創業垂統爲萬世規故馳騫乎兼容并包而勤思乎
參天兩地且詩不云乎普天之下莫非王土率土之濱莫非王臣是以六合之內八方
之外浸濶衍溢懷生之物有不浸潤於澤者賢君恥之今封疆之內冠帶之倫咸獲嘉

社靡有闕遺矣而夷狄殊俗之國遼絕異黨之地舟輿不通人迹罕至政教未加流風
猶微內之則犯義侵禮於邊境外之則邪行橫作放弑其上君臣易位尊卑失序父兄
不辜幼孤爲奴虜係累號泣內向而怨曰蓋聞中國有至仁焉德澤而恩普物靡不得
其所今獨曷爲遣已舉踵思慕若枯旱之望雨蓋夫爲之垂涕況乎上聖又惡能已故
北出師以討彊胡南馳使以誚勁越四面風德二方之君鱗集仰流願得受號者以億
計故乃闕沫若微特何鑄靈山梁孫原創道德之塗垂仁義之統將博恩廣施遠撫長
駕使疏逖不閉胥爽聞昧得耀乎光明以偃甲兵於此而息誅伐於彼遐邇一體中外
禔福不亦康乎夫拯民於沉溺奉至尊之休德反衰世之陵遲繼周氏之絕業斯乃天
子之急務也百姓雖勞又惡可以已哉且夫王事固末有不始於憂勤而終於佚樂者
也然則受命之符合在於此矣方將增泰山之封加梁父之事鳴和鸞揚樂頌上咸五
下登三觀者未覩指聽者未聞音有鶴鵬已翔乎寥廓而羅者猶視乎敷澤悲夫於是
諸大夫芒然喪其所懷來而失厥所以進喟然並稱曰允哉漢德此鄙人之所願聞也
百姓雖勞請以身先之敝罔靡徙因遷延而辭退

司馬長卿封禪文

伊上古之初肇自昊穹生民歷選列辟以迄乎秦率邇者踵武遐矚者風聲紛綸威德

堙滅而不稱者不可勝數繼昭夏崇號謚畧可道者七十有二君罔若淑而不昌嚙逆失而能存軒轅之前遐哉邈乎其詳不可得聞已五三六經載籍之傳惟風可觀也書

曰元首明哉股肱良哉因斯以談君莫盛於唐堯臣莫賢於后稷后稷創業於唐堯公

劉發迹於西戎文王制改爰周鄧隆大越行成伯父薑塢先生云成即成王也下云蹠梁父登泰山即管子所云成王封泰山

禪社而后陵遲衰微千載亡聲豈不善始善終哉然無異端慎所由於前謹遺教於後

耳故軌迹夷易遵也湛恩厯淇易豐也憲度著明易則也垂統順理易繼也是業以

隆於襁保而崇冠乎二后揆厥所元終都攸卒未有殊尤絕迹可考於今者也補按此處文則

狹小成王而夸漢實則謂古聖謹慎之道易遵易繼今舍之而更爲浩侈則難以遵繼古聖所未爲而今欲過之可乎然猶躡梁甫登太山建顯號

施尊名大漢之德逢涌原泉勿瀉曼羨旁魄四塞雲布霧散上暢九垓下沂八埏懷生

之類沾濡浸潤協氣橫流武節焱逝爾陬游原迴闊泳末首惡鬱沒闇昧昭晰昆蟲闔

惴回首面內然後囿騶虞之珍羣激麋鹿之怪獸導一莖六穗于庖犧雙貉其抵之獸

獲周餘放龜於岐招翠黃乘龍於沼鬼神接靈囿賓于閒館奇物譎詭椒黨窮變欽哉

符瑞臻茲猶以爲德薄不敢道封禪蓋周躍魚隕航休之以燎微夫斯之爲符也以登

介邱不亦惡乎進攘之道何其爽與於是大司馬進曰陛下仁育羣生義征不諛諸夏

樂貢百蠻執轡德牟往初功無與二休烈液液符瑞衆變期應紹至不特創見意者太

山梁甫設登壇望幸蓋

伯父薑塢先生云師古曰蓋發語辭子謂當如考工記輪人爲蓋之蓋

號以况榮上帝垂恩儲社

將以慶成陛下謙讓而弗發也

絜三神之歡缺王道之儀羣臣愿焉或謂且天爲質父伯

薑塢先生云屬頌匪且

有且毛傳云且此也聞示珍符固不可辭若然辭之是泰山靡記而梁甫罔幾也亦

各並時而榮咸濟厥世而屈說者尙何稱於後世而云七十二君哉夫修德以錫符奉符以行事不爲進越也故聖王弗替而修禮地祇謁款天神勒功中岳以章至尊舒盛

德發號榮受厚福以浸黎民皇皇哉斯天下之壯觀王者之卒業不可缺也願陛下全之而后因雜繒紳先生之畧術使獲曜日月之末光絕炎以展采錯事猶兼正列其義

被飾厥文作春秋一藝將襲舊六爲七攄之無窮俾萬世得激清流揚微彼蜚英聲騰

茂實前聖之所以永保鴻名而常爲稱首者用此宜命掌故悉奏其儀而覽焉於是天

子沛然改容曰俞乎朕其試哉乃遷思同慮總公卿之議詢封禪之事詩大澤之博廣

符瑞之富遂作頌曰自我天覆雲之油油甘露時雨厥壤可游滋液滲漉何生不育嘉

穀之穗我穡曷蕃匪惟雨之又潤澤之匪惟偏之汜布蕝之萬物熙熙懷而慕思名山

顯位望君之來君兮君兮侯不邁哉般般之獸樂我君囿白質黑章其儀可嘉旼旼穆

穆君子之態蓋聞其聲今視其來厥塗靡從天瑞之徵茲爾於舜虞氏以興濯濯之麟

遊於靈時孟冬十月君徂郊祀馳我君輿帝用享祉三代之前蓋未嘗有宛宛黃龍興